

<><><><><><>

## PM Asia Pacific Conference

प्रधानमंत्री नरेंद्र मोदी होर अज्ज शैही हवाबाजी दे बारै च आयोजित दुए एशिया-प्रशांत मंत्रिस्तरी सम्मेलन च हिस्सा लैडन। नमीं दिल्ली दे भारत मंडपम च आयोजित सम्मेलन च प्रधानमंत्री मोदी होर सदस्य मुखें आसेआ दिल्ली घोषणापत्र गी अपनाने दा ऐलान करडन। दिल्ली घोषणापत्र हवाबाजी दे खेत्तर गी नमिं उंचाइं तगर पुजाने दी इक दूरदर्शी रूपरेखा ऐ। शैही हवाबाजी दे मंत्री राममोहन नायडू होरें कल इस सम्मेलन दा उद्घाटन कीता हा। नायडू होरेंगी एशिया-प्रशांत मंत्रिस्तरी सम्मेलन दा अध्यक्ष चुनेआ गोआ ऐ। उनें बरे 2035 तगर सालाना साढे त्रै अरब यात्रियें दी समर्थ तगर पुज्जने लेई एशिया-प्रशांत हवाबाजी खेत्तर दे बुनियादी ढांचे च रणनीतिक निवेश दा आह्वान कीता ऐ। नायडू होरें इस गल्लै पर जोर दित्ता जे भारत दा लक्ष्य बरे 2025 तगर हवाबाजी दे कार्यबल च महिलाएं दी हिस्सेदारी गी 25 फीसद तगर लेइयै जाने दा ऐ।

<><><><><><>

## Cabinet PMGSY IV

केन्द्रीय मंत्रिमंडल नै माली बरे 2024-25 थमां 2028-29 दे दरान प्रधानमंत्री ग्राम सिडक योजना दे चौथे चरण दी अमल-आवरी लेई ग्रामीण विकास विभाग दे प्रस्ताऽ गी मंजूरी देई दित्ती ऐ। इस कार्यक्रम पर कुल 70 हजार 125 करोड़ रुपें दी लागत औगा। नई दिल्ली च इस बारै मीडिया गी संबोधित करदे होई सूचना ते प्रसारण मंत्री अश्विनी वैष्णव होरें गलाया जे इस कार्यक्रम तैहत 62 हजार 500 किलोमीटर लम्मी सिडकां बनाने लेई माली मदाद दित्ती जाहगा। एहदे राहें हुनै तगर सिडकें कन्नै नेई जुडी दी 25 हजार बस्तियें गी नमां संपर्क उपलब्ध करोआया जाहगा। वैष्णव होरें गलाया जे एहदे तैहत 40 करोड़ ध्याडियें दा रोजगार बी पैदा होग। इस कार्यक्रम दे तैहत सिडक संपर्क योजना गी पीएम गति शक्ति पोर्टल राहें लागू कीता जाहगा।

<><><><><><>

## JK Poll Campaigning

जम्मू कश्मीर च सियासी पार्टिं औंदे असैंबली चुनाएं लेई अपने अभियान गी होर तेज करी दित्ता ऐ। प्रदेश च पैहले गेड़ तैहत 18 सितम्बर गी, दुए गेड़ तैहत 25 सितम्बर गी ते त्रीए गेड़ तैहत पैहली अक्तूबर गी मतदान होग। वोटें दी गिनतरी 8 अक्तूबर गी करोआई जाहगा। प्रदेश च असैंबली चुनाएं लेई प्रचार करै करदे बीजेपी दे वरिष्ठ नेता ते केन्द्री मंत्री जी. किशेन रेड्डी होरें लोकसभा च विपक्ष दे नेता राहुल गांधी ते कांग्रेस पार्टी पर एह दोश लाया

जे अपनी हकूमत दरान उनें जम्मू कश्मीर दी पनबिजली समर्थ दी अनदिक्खी कीती। उनें आखेआ जे कांग्रेस पार्टी दे त्रै पीढीएं दे प्रधानमंत्रिएं गी एहू गल्ल खरी चाल्ली पता ही जे जम्मू कश्मीर, 18 ज्हार मैगावाट पनबिजली उत्पादन दी समर्थ रक्खदा ऐ पर उनें कदे बी एहदा लाहू मुख गी नेई होन दित्ता। उनें राहुल गांधी पर बी त्रिक्खा जबानी हमला कीता। तोआई कांग्रेस पार्टी दे राश्ट्री प्रधान मल्लिकार्जुन खरगे होरे कल अनंतनाग व इक चुनावी रैली ते श्रीनगर च इक संवाददाता सम्मेलन गी संबोधत करदे होई प्रधानमंत्री नरेन्द्र मोदी हुंदी निंदेआ कीती ते आखेआ जे ओहू पिच्छले 10एं बरें दरान पूरी चाल्ली नाकाम रेहू ना खरगे होरे आखेआ जे मोदी होरे जेहड़ी विकास पैहलकदमियां कीतियां न ओहू यां ते दम त्रोड़ी गेदियां न यां दम त्रोड़ा करदियां ना। बारामुला थमां विधायक इंजीनियर रशीद नै कल चुनांस प्रचार लेई जमानत पर तिहाड़ जेल थमां बाहू औंदे गै प्रधानमंत्री नरेन्द्र मोदी, नेशनल कांफ्रेंस दे नेता उमर अब्दुल्ला ते पीडीपी अध्यक्ष महबूबा मुफ्ती हुंदे पर त्रिक्खा जबानी हमला कीता। तोआई नेशनल कांफ्रेंस दे प्रधान डॉ. फारूक अब्दुल्ला होरे लोके गी गुजारश कीती जे ओहू बीजेपी ते जेल थमां जमानत पर रिहा होए दे नेताएं गी हराने लेई इकजुट होई जान। पीडीपी प्रधान महबूबा मुफ्ती होरे बारामुला थमां सांसद इंजीनियर रशीद गी जमानत पर रिहा कीते जाने दे समे पर सुआल पुट्टेआ ऐ ते आखेआ जे इस समे गी लेइयै उंदे अंदर बड़ा मता शक-शूबा ऐ।

<><><><><><>

### Phase 3<sup>rd</sup> Nominations

जम्मू खित्ते दे 24 विधानसभा हल्के च त्रिए गेड़ तैहत पैहली अक्तूबर गी होने आले विधानसभा चुनांस लेई 10 होर साबका मंत्रिएं ते विधायके, डीडीसी मिंबर ते इक साबका एसएसपी सनें तकरीबन 3 दर्जन मेदवारें अपने नामांकन दाखल कीते ना। साबका मंत्रिएं च कांग्रेस पार्टी दे मूला राम होरे मढ थमां, रमण भल्ला होरे आर.एस.पुरा-जम्मू साउथ थमां, चौधरी लाल सिंह होरे बसोहली थमां, योगेश साहनी होरे जम्मू ईस्ट थमां ते यशपाल कुंडल होरे रामगढ थमां नामजदगी दाखल कीती ऐ। इआं गै तरनजीत सिंह टोनी होर बाहु थमां, कृष्ण देव सिंह होर सांबा थमां ते बलवीर सिंह होर नगरोटा थमां चुनां मैदान च उतरे ना। बीजेपी दी तरफा साबका मंत्री चन्द्र प्रकाश गंगा होरे विजयपुर थमां ते राजीव जसरोटिया होरे जसरोटा थमां नामांकन दाखल कीता। उंदे अलावा साबका विधायक गारू राम भगत होरे सुचेतगढ थमां, बलवंत सिंह मनकोटिया होरे चनैनी थमां ते विक्रम रंधावा होरे बाहु थमां नामांकन भरेआ ऐ। बीजेपी दे गै मेदवार डॉ. राजीव भगत होरे बिश्नाह थमां नामांकन भरेआ। इंदे अलावा बीएसपी दे पुष्प सवालिया होरे बाहु थमां, गुरदेव राज आर.एस.पुरा थमां, शाह मोहम्मद होरे नगरोटा थमां, जगदीश चंदर होरे मढ थमां, बीजेपी दे बागी नेता पवन खजूरिया होरे आजाद मेदवार दे तौर पर उधमपुर ईस्ट थमां नामजदगी

आला पर्चा दाखल कीता। साबका एसएसपी मोहन लाल कैथ होरें मढ हल्के थमां नामांकन भरेआ ऐ। इंदे अलावा पीडीपी, डीपीएपी ते समाजवादी पार्टी दे मेदवारें ते आजाद मेदवारें बी अखीरले गेड दे चुनांऽ लेई नामजदगी दाखल कीती ऐ।

<><><><><><><><>

### Congress List

जम्मू कश्मीर च विधानसभा चुनाएं आस्तै कांग्रेस पार्टी नै बी अपने 5 होर मेदवारें दी सूचि जारी कीती ऐ। साबका उपमुख्यमंत्री ते कांग्रेस दे वरिष्ठ नेता ताराचंद होर छम्ब असैंबली हल्के थमां चुनां लड़गंन। रटैर होए दे जेकेएएस अफसर अशोक भगत होर जम्मू जिले दे अखनूर असैंबली हल्के दी आरक्षत सीट उप्परा जिसले के जेकेपीसीसी दे सचिव ते पट्टी दर्ज जातिएं सरबंधी सलाहकार बोर्ड दे साबका उपअध्यक्ष भूशण डोगरा होरेंगी सुचेतगढ़ सीट आस्तै मेदवारी दित्ती गेई ऐ। वरिष्ठ नेता मीर इकबाल होरेंगी बारामुला सीट ते साबका विधायक निजामुद्दीन भट्ट बांडीपोरा थमां चुनां मैदान च तोआरेया गेआ ऐ।

<><><><><><><><>

### Third Phase Nominations

जम्मू कश्मीर च त्रीए ते खीरले गेड दे विधानसभा चुनाएं लेई नामांकन भरने दा अज्ज खीरी ध्याड़ा ऐ। इस गेड तैहत प्रदेश दे 40 असैंबली हल्के च पैहली अक्तूबर गी मतदान होना ऐ। नामांकन पत्रें दी जांच कल कीती जाह्ग ते मेदवार 17 सितम्बर तगर अपने नां वापस लेई सकगंन।

<><><><><><><><>





